

索法号义辩讽诵文 1 卷

No. 2857

索法号义辩讽诵文

伏以暂乖寝膳卧疾经时。朝风昼触于帟帙。愁云暮结于庭际。鸳鸯帐下邕邕而忧色潜生。翡翠檐间漠漠而清烟乱起。病愈意□公谦君子洛之英才。常怀三义之心每有断金之美。顿因璃文动玉质瘵。身羸如雪六月之花。貌頹九秋之叶。遂乃仰凭皇觉斋青眼以虔诚信启金父仁蒙素毫而远照喜得。六根清泰如月照秋江。三障云消似红莲舒于碧沼。是如信诚不昧。灵鉴昭彰。慈云布而热恼凉。惠影临而沈痾頹息。既蒙诸佛卫护念。宁无庆贺之心。表于此晨用由庆赞女庄严。伏愿碧山与寿红树增春。必期镂玉之获展星河之庆。

伏愿莲花点于性海。明月照于心台。常居翠柳之年。永锁芙蓉之帐。伏愿青丝不变红粉增春。德齐岳下之松。寿等月中之桂。伏愿绿眉状月长分八字之鲜。玉貌如春独占春之色。朗君子。伏愿文摇五彩之笔。高视洪流觉畜九经之书。低看鲍谢。折东堂之仙桂香。发子中驰儒之曲。坟名传海内禄萼相映。玉树莲芳同礼移庭。长光膝下女庄严松罗益翠结凤彩而长卷庭。玉莲芳鬻仙桂而恒泰。夫人伏愿浩海常流资景福而逾远。寿山耸峻等群岳而转高武庄严金璋永[支\*翟]紫绶长荣。财盈四海之珍福。

五侯之俸事清吉。荣禄日新所谋长。遂于□动静永康于元吉识亡考。北意将为北。当扇枕庆及温清。何期忽翻浪以倾舟俄庭风而灭烛。孤子想幽冥之气。竭思膝下以增悲。未申献橘之诚。空攀传衣之意。思立身之孝道□地无追。悲风树之不停。痛寒泉之永隔。亡庄严。伏愿琉璃殿内踏香砌以经行。宝树林间撷仙花而奉。又碧池授记红莲化生。法水润心香风动识。伏愿甘露台侧生闻般若之音。解脱林中庆现龙花之会。伏愿五云捧足逍遥归解脱之宫。百福资灵放旷出爱缠之苦。十岁已下男子芙蓉灼灼。可頹芳颜秋月亭亭。同奇丽质亲罗。喜门风之望乡邻叹巷陌之珍。□□气欲成而忽消。花正芳而忽坠。致使严父慈哭爱子以长愁样萼莲枝痛雁行之空阔夕云操操。女庄严。性闲皎月体净秋霜。幼质也丽南国之风姿。礼仪也盖西施美貌。本冀门

荣碎碎柳光益宗枝四德传芳辉荣九族奈河黄天不佑筹俄终。莲花暖而桂影沈晖。芳树雕而兰姿罢郁。念恒娥奔月宫之长往嗟。游水流还海以不归哀伤。父母之酸痛结婚亲之念 文叹德。量宏弘深荣钦礼乐。志超今古动合神明。气高玉垒之云。仁量阔沧溟之水 武德叹。风云禀性星像间生。信立义存仁深德重。秉文秉武为紫府之良才。尽忠尽贞作无我之心腹。若不然者曷得军城见重职掌班声振人寰名芳邑 庄严尚书。伏愿德光金简为世上之股肱。声振玉阶显名彰于日下 又愿般若智水灌注身田。旃檀香风资助性海。荣名克着保禄高迁。金紫与日月而争辉。福寿比山河而永固 女人念诵。高台宝镜云侵绝代之容。咲日琼花雾揜南国之貌。乃知功德之严净托佛力以潜。消施上件之名衣表倾诚。于投奈苑启首金人。会七辨之缁流。演千身之化佛。是可以修尘累于口劫。是可以逾热恼。于口今晨深愿既发。于里心功德必资于贵体。伏愿诸天甘露承悬疑而邻临。大圣加威注醍醐于顶内。或有多生累止叶凭念以消除现世愆尤赖殊因而殄灭。

(大唐)元和七年六月 慰言语间时再查

---

【经文信息】大正藏第 85 册 No. 2857 索法号义辩讽诵文

【版本记录】CBETA 电子佛典 Rev. 1.8 (Big5), 完成日期: 2009/04/23

【编辑说明】本数据库由中华电子佛典协会 (CBETA) 依大正藏所编辑

【原始数据】萧镇国大德提供, 陈妙如大德输入, 北美某大德提供

【其他事项】本数据库可自由免费流通, 详细内容请参阅【中华电子佛典协会数据库版权宣告】

---